

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ**

Ո Ր Ո Շ ՈՒ Մ

Վարչական գործի վարույթը վերսկսելու և կասեցնելու մասին

27 նոյեմբերի 2020թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետի ժ/պ Նարեկ Գևորգյանս, քննելով Աննա Խաչատրյանի (անձնագիր՝ AT0504664, հասցե՝ ք Երևան, Շերամի փ 2 27, բն 44) կողմից մաքսային կանոնների խախտում կատարելու վերաբերյալ նյութերը.

Պ Ա Ր Զ Ե Ց Ի

Աննա Խաչատրյանը 06.09.2020 թվականի թիվ 05100033/060920/0035561 տարանցման հայտարարագրով Բագրատաշենի մաքսային կետ-բաժին անցակետով ՀՀ տարածք է ներմուծել DODGE մակնիշի, 2C3CDZAGXH284510 նույնականացման համարով տրանսպորտային միջոց, որի նշանակման մաքսային մարմին՝ Հյուսիսային մաքսատուն-վարչություն հասցնելու վերջնաժամկետը 16.09.2020 թվականն էր:

Մաքսային հսկողության ներքո գտնվող տրանսպորտային միջոցը և ուղեկցող փաստաթղթերը Հայաստանի Հանրապետության մեկ մաքսային մարմնից մյուս մաքսային մարմին սահմանված ժամկետում չեն հասցվել:

Դեպքի կապակցությամբ 23.09.2020 թվականին Աննա Խաչատրյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 195-րդ հոդվածի հատկանիշներով:

ՀՀ ՊԵԿ Հյուսիսային մաքսատուն-վարչության պետի կողմից 19.10.2020թ.-ին կայացվել է վարչական վարույթը կասեցնելու մասին որոշում՝ համաձայն <<Վարաչարության հիմունքների և վարչական վարույթի մասին>> ՀՀ օրենքի 49-րդ հոդվածի 2-րդ մասի <ա> կետի:

ՀՀ ՊԵԿ Հետաքննության և ՕՀ վարչության վարչության 26.11.2020թ. թիվ Ն/14-22/189166-2020 գրության համաձայն՝ Աննա Խաչատրյանի անվամբ ՀՀ տարածք ավտոմեքենա ներմուծելիս մաքսային մարմին կեղծ փաստաթղթեր ներկայացնելու վերաբերյալ ստացված հաղորդման հիման վրա ՀՀ ՊԵԿ Հետաքննության և ՕՀ վարչության 22-րդ բաժնի կողմից ՀՀ քրեական օրենսգրքի 325-րդ հոդվածի 1-ին մասի

հատկանիշներով նախապատրաստված նյութերով 07.11.2020թ.-ին հարուցվել է թիվ 83851420 քրեական գործը և ըստ ենթակայության ուղարկվել է ՀՀ քննչական կոմիտեի Տավուշի մարզային քննչական վարչություն :

Հիմք ընդունելով այն հանգամանքը, որ 07.11.2020թ. հարուցվել է թիվ 83851420 քրեական գործը և անհնարին է տվյալ վարույթի արդյունքում ակնկալվող վարչական ակտի ընդունումը մինչև սահմանադրական, վարչական, քաղաքացիական կամ քրեական դատավարության կարգով քննվող գործով որոշում (դատական ակտ) կայացնելը և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 49 հոդվածի 3-րդ մասով և 1 մասի <1> կետով՝

Ո Ր Ո Շ Ե Ց Ի

1. Աննա Խաչատրյանի նկատմամբ հարուցված վարչական վարույթը վերսկսել և կասեցնել՝ մինչև կասեցման հիմք հանդիսացող հանգամանքների վերանալը:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ Ժ/Պ

Ն.ԳԵՎՈՐԳՅԱՆ

